



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: T09 0 KT 0210092 26
Sarajevo, 17.07.2026. godine

HITNO – PRITVOR !

KANTONALNI SUD U SARAJEVU
Sudija za prethodno saslušanje
S A R A J E V O

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, **p o d i ž e m**

O P T U Ž N I C U

Protiv :

- 1. ALMER INAJETović**, rođen 1983. godine, nastanjen u, a boravi u ulici, završena visoka stručna sprema - magistar sporta, nezaposlen, u vanbračnoj zajednici, otac 8 mlđb. djece, nije služio vojni rok, lošeg imovnog stanja, državljanin Bosne i Hercegovine, JMBG broj:, osuđivan Presudom Općinskog suda u Sarajevu, broj 65 0 K 134393 10 K, pravosnažna dana 10.05.2011. godine zbog krivičnog djela oštećenje tuđe stvari iz člana 293. stav 1. KZ F BiH, kažnjen novčanom kaznom u iznosu od 300,00 KM; Presudom Općinskog suda u Sarajevu, broj 65 0 K 330274 13 K, pravosnažna dana 18.11.2013. godine, zbog krivičnog djela izazivanje opće opasnosti iz člana 323. stav 3. u vezi stava 1. KZ F BiH i član 52. ZONDINOM-a, kazna zatvora u trajanju od 1. godine, uvjetno 2. godine; Presudom Općinskog suda u Sarajevu, broj 65 0 K 234102 12 K, pravosnažna dana 09.01.2014. godine, zbog krivičnog djela ugrožavanje sigurnosti iz člana 183. stav 1. KZ F BiH, na kaznu zatvora u trajanju od 3 mjeseca, uvjetno 2 godine; Presudom Općinskog suda u Sarajevu, broj 65 0 K 413071 14 K, pravosnažna dana 18.12.2014. godine, zbog krivičnog djela iznuda iz člana 295. stav 1. KZ F BiH i član 52. stav 1. tačka a) u vezi člana 8. ZONDINOM-a, kazna zatvora u trajanju od 8 mjeseci i mjera sigurnosti oduzimanje predmeta; Presudom Općinskog suda u Sarajevu, broj 65 0 K 554381 19 K 2, pravosnažna dana 19.11.2020. godine, zbog krivičnog djela nasilničko ponašanje iz člana 362. stav 2. u vezi stava 1. KZ F BiH, na kaznu zatvora u trajanju od 7 mjeseci; Presudom Općinskog suda u Sarajevu, broj 65 0 K 885045 21 K, pravosnažna dana 28.11.2021. godine, zbog krivičnog djela laka tjelesna povreda iz člana 173. stav 1. KZ F BiH, na kaznu zatvora u trajanju od 6 mjeseci, koja se zamjenjuje radom za opće dobro na slobodi u trajanju od 45 dana; Presudom Općinskog suda u Konjicu, broj 56 0 K 077208 22 K, pravosnažna dana 24.05.2023. godine, zbog krivičnog djela iz člana 65. stav 1. tačka a) ZONDINOM-a HNK, na novčanu kaznu u iznosu od 3.000,00 KM; Presudom Općinskog suda u Sarajevu, broj 65 0 K 1060934 24 K i Kantonalni sud u Sarajevu, broj 65 0 K 1060934 25 Kž od 05.12.2025. godine, zbog krivičnog djela ugrožavanje sigurnosti iz člana 183. stav 1. KZ F BiH i člana 172. stav 1. KZ F BiH, sve u vezi člana 54. istog Zakona, jedinstvena kazna zatvora u trajanju od 7 mjeseci, lišen slobode dana 25.04.2026. godine u 17:10 sati, zastupan po braniocu po službenoj dužnosti, advokat iz Sarajeva, **nalazi se u pritvoru po Rješenju**

Kantonalnog suda u Sarajevu od 28.04.2026. godine koji može trajati do 22.07.2026. godine ili do nove odluke suda,

2. **ANEL VELIĆ**, zv. "Vela", rođen 1991. godine, sa prijavljenom adresom, završena srednja stručna sprema, po zanimanju VK vozač, nezaposlen, neoženjen, otac 3 mlđb. djece, nije služio vojni rok, lošeg imovnog stanja, državljanin BiH, JMBG:, osuđivan Presudom Općinskog suda u Sarajevu, broj 65 0 K 181813 11 K2, pravosnažna dana 13.06.2011. godine, zbog krivičnog djela lažno prijavljivanje iz člana 347. stav 4. KZ F BiH, na kaznu zatvora u trajanju od 6 mjeseci, uvjetno 1 godina; Presudom Općinskog suda u Tešnju, broj 39 0 K 044134 16 K, pravosnažna dana 11.08.2017. godine, zbog krivičnog djela Učestvovanje u grupi ljudi koja učini krivično djelo iz člana 341. stav 1. KZ F BiH u vezi člana 31. na kaznu zatvora u trajanju od 1 godine, uslovno 3 godine; Presudom Općinskog suda u Sarajevu, broj 65 0 K 512298 15 K, pravosnažna dana 08.12.2017. godine, zbog krivičnog djela teška krađa iz člana 287. stav 1. tačka a), u vezi člana 28 KZ F BiH, na kaznu zatvora u trajanju od 9 mjeseci, koja se zamjenjuje radom za opće dobro na slobodi u trajanju od 68 dana; Presudom Općinskog suda u Sarajevu, broj 65 0 K 732643 19 K, pravosnažna dana 21.06.2019. godine zbog krivičnog djela teška krađa iz člana 287. stav 1. tačka a) u vezi člana 31. KZ F BiH, na kaznu zatvora u trajanju od 1 godine i 2 mjeseca; Presudom Općinskog suda u Sarajevu, broj 65 0 K 1009936 23 K, pravosnažna dana 08.06.2023. godine zbog krivičnog djela teška krađa iz člana 287. stav 1. tačka a) KZ F BiH u vezi člana 31. istog Zakona i člana 74. ZONDINOM-a KS, jedinstvena kazna zatvora u trajanju od 1 godine i 9 mjeseci, mjera sigurnosti oduzimanju predmeta, lišen slobode dana 25.04.2026. godine u 17:55 sati, zastupan po braniocu po službenoj dužnosti, advokat iz Sarajeva, **na snazi su izrečene mjere zabrane po Rješenju Kantonalnog suda u Sarajevu od 22.05.2026. godine koje mogu trajati dok za to postoji potreba, a najduže do pravosnažnosti presude,**

Što su:

Inajetović Almer - sam

1. Dana 24.04.2026. godine, oko 19:25 sati, u Sarajevu, dovezao se motornim vozilom u ulicu Sedrenik ..., općina Stari Grad, nakon čega je naoružan vatrenim oružjem izašao iz vozila i ušao na desni ulaz otvorene ljetne bašte restorana "....." zv. ".....", gdje je prišao stolu za kojim su sjedili N.L.1, N.L.2 i O.H., te se N.L.1 i N.L.2 obratio riječima: „J... vam M. mater“, da bi potom svjestan da ispaljivanjem hitaca iz vatrenog oružja može usmrtiti drugog, što je i htio, u namjeri da liši života N.L.1, iz neposredne blizine iz pištolja marke "Crvena zastava", model ..., kalibra 7.62x25 mm, ispalio više hitaca prema N.L.1, kojom prilikom je N.L.1 nanio teške tjelesne povrede opasne po život i to: strijelnu povredu desne strane grudnog koša i trbuha, sa oštećenjem dijafragme, jetre, dvanaestopalačnog crijeva, gušterače, želuca i drugih trbušnih struktura, strijelnu povredu lijeve nadlaktice, strijelnu povredu desnog stidnog predjela i mošnji, više strijelnih povreda obje butine, da bi se nakon toga udaljio sa lica mjesta, dok je oštećeni N.L.1 hitno hospitaliziran na Klinici za anesteziju i reanimaciju Kliničkog centra Univerziteta u Sarajevu, gdje je usljed zadobijenih strijelnih povreda došlo do razvoja teškog povrednog upalnog odgovora, akutne upale potrbušnice, akutnog respiratornog distres sindroma, teškog moždanog otoka i progresivnog višestrukog organskog zastoja, koji su bili

u neposrednoj uzročno-posljedičnoj vezi sa zadobijenim strijelnim povredama, usljed čega je dana 31.05.2026. godine nastupila smrt N.L.1,

Dakle, drugog usmrtio,

2. Dana 24.04.2026. godine, oko 19:25 sati, u Sarajevu, dovezao se motornim vozilom u ulicu Sedrenik, općina Stari Grad, nakon čega je naoružan vatrenim oružjem izašao iz vozila i ušao na desni ulaz otvorene ljetne bašte restorana "...." zv. "....", gdje je prišao stolu za kojim su sjedili N.L.1, N.L.2 i O.H., te se N.L.1 i N.L.2 obratio riječima: „J... vam M. mater“, nakon čega je, svjestan da ispaljivanjem hitaca iz vatrenog oružja može usmrtiti drugog, što je i htio, u namjeri da liši života N.L.2, iz neposredne blizine iz pištolja marke "Crvena zastava", model ..., kalibra 7.62x25 mm, ispalio više hitaca prema N.L.2, kojom prilikom je N.L.2 nanio teške tjelesne povrede i to: više prostrijelnih i ustrijelnih rana desne natkoljenice sa oštećenjem mišića, tetiva i živca u području kuka i bedra, da bi se nakon toga udaljio sa lica mjesta,

Dakle, pokušao drugog usmrtiti,

3. Dana 24.04.2026. godine, oko 19:25 sati, u Sarajevu, u ulici Sedrenik, općina Stari Grad, bez odobrenja nadležnog organa, svjestan zabranjenosti djela, što je i htio, suprotno čl. 74. stav 1. tačka a) Zakona o nabavljanju, držanju i nošenju oružja i municije Kantona Sarajevo, nabavio i nosio na javnom mjestu u ljetnoj bašti restorana "....." zvani ".....", vatreno oružje kategorije B za koje nije imao prethodno odobrenje nadležne policijske uprave i to vatreno oružje- pištolj marke "Crvena zastava", model ..., kalibra 7.62x25 mm,

Dakle, nabavio i nosio oružje bez odobrenja nadležnog organa,

Anel Velić - sam

4. U periodu od 24.04.2026. godine od 20:18 sati pa do dana 25.04.2026. godine do 16:30 sati, na području Kantona Sarajevo, općine Konjic i grada Mostara, svjestan da pomaže učiniocu krivičnog djela za koje se može izreći kazna zatvora pet godina ili teža kazna da ne bude otkriven, što je i htio, iako je znao da je Almer Inajetović istog dana oko 19:25 sati, u Sarajevu, u ulici Sedrenik, u bašti restorana "....." zv. "....", nedozvoljeno nosio vatreno oružje, čijom je upotrebom i ispaljivanjem hitaca pokušao usmrtiti N.L.1 i N.L.2, došao svojim putničkim motornim vozilom marke „VW Golf ...“, registarskih oznaka, na lokalitet naselja, u blizini mjesta, gdje je preuzeo Almera Inajetovića, kojeg je upravljajući motornim vozilom odvezao izvan Kantona Sarajevo na područje općine Konjic, a potom i grada Mostara, dok su u tom periodu organi gonjenja preduzimali intenzivno mjere radi pronalaska i lišenja slobode Almera Inajetovića zbog sumnje da je učestvovao u pokušaja ubistva N. i N.L.2, kojim je pomaganjem omogućio Almeru Inajetoviću da se sakrije od organa krivičnog gonjenja i da prikrije pištolj kojim je izvršio krivično djelo,

Dakle, pomogao je učiniocu krivičnog djela za koje se može izreći kazna zatvora pet godina ili teža kazna, da ne bude otkriven i da prikrije tragove krivičnog djela,

Čime bi:

osumnjičeni Almer Inajetović:

- pod tačkom 1. počinio krivično djelo **Ubistvo** iz člana 166. stav 1. KZ F BiH,
- pod tačkom 2. počinio **Ubistvo** iz čl. 166. stav 1. KZ FBiH u vezi sa čl. 28. istog Zakona,
- pod tačkom 3. počinio krivično djelo kažnjivo po **čl. 74. stav 1. tačka a) Zakona o nabavljanju, držanju i nošenju oružja i municije Kantona Sarajevo**, a sve u vezi čl. 54. istog Zakona, a

osumnjičeni Anel Velić, pod tačkom 4. počinio krivično djelo **Pomoć učinitelju poslije učinjenog krivičnog djela** iz člana 346. stav 2. u vezi sa stavom 1. KZ FBiH.

PRIJEDLOG ZA PRODUŽENJE PRITVORA I MJERA ZABRANE

1. Na osnovu člana 151. stav 1. i 2. Zakona o krivičnom postupku Federacije BiH, podnosimo prijedlog za **produženje pritvora** nakon potvrđivanja optužnice, osumnjičenom Inajetović Almeru iz razloga propisanih članom 146. stav 1. tačka a), c) i d) ZKP FBiH.
2. Na osnovu člana 140b) stav 1, 4 i 5 Zakona o krivičnom postupku Federacije BiH, podnosimo prijedlog za **produženje mjera zabrane** nakon potvrđivanja optužnice, osumnjičenom Velić Anelu i to: **mjere zabrane napuštanja boravišta** na adresi u ulici, koju će mjeru kontrolisati MUP Kantona Sarajevo, (jedan) put sedmično, a u slučaju da optuženi bez odobrenja napusti boravište, o istom će nadležna policijska stanica obavijestiti Kantonalni sud u Sarajevu. Navedena mjera zabrane može trajati dok za to postoji potreba, a najduže do pravosnažnosti presude, a kontrola opravdanosti će se vršiti svaka dva mjeseca. U slučaju da osumnjičeni prekrši izrečenu mjeru zabrane, Tužilaštvo predlaže da sud optuženom odredi pritvor.

KANTONALNA TUŽITELJICA